

*FORMA DE PAGAMENTO*

En calquera oficina das seguintes entidades colaboradoras na recadación municipal, empregando o instrumento de cobro enviado ao domicilio fiscal dos contribuíntes para tal fin:

- ABANCA, BANCO BILBAO VIZCAYA ARGENTARIA, BANCO CAIXA GERAL, BANCO DE CAJA ESPAÑA DE INVERSIONES SALAMANCA Y SORIA SAU, BANCO ESPIRITO SANTO, BANCO ETCHEVERRIA, BANCO GALLEGO, BANCO PASTOR, BANCO POPULAR ESPAÑOL, BANCO SABADELL ATLANTICO, BANCO SANTANDER, BANKIA, BARCLAYS BANK, CAIXABANK SA “LA CAIXA”, CATALUNYA CAIXA.

ADVERTENCIA

Rematado o período voluntario de ingreso, os recibos non pagados esixiranse pola vía administrativa de prema, coas recargas e xuros correspondentes, consonte co establecido nos artigos 161 da Lei xeral tributaria e 69 e seguintes do Regulamento Xeral de Recadación.(R.D. 939/2005,de 29 de xullo).

DOMICILIACIÓN

Aconsellámoslle que, para a súa comodidade, domicilie o pagamento dos seus tributos de algunha dos seguintes xeitos:

- a) na súa entidade financeira, se é algunha da xa mencionadas, no momento de pagar o recibo, e cubrindo a orde de domiciliación que se achega co impreso de pagamento.
- b) ou, cubrindo o modelo 800 do Concello de Pontevedra, de domiciliación bancaria e presentándoo no rexistro xeral daquel.

Pontevedra, a 10 de novembro de 2014.—A titular do OTXT, M^a Mar Suárez Campo. **2014009399**

* * *

CATOIRA**A N U N C I O**

Este Concello está a tramitar o expediente de cesión gratuita ao Servizo Galego de Saúde, dependente da Consellería de Sanidade, dunha parcela de titularidade municipal calificada como de dominio público e afecta á xestión do servizo público de Centro de Saúde, sita na rúa do Concello, número 31, de 1.438 m², e sobre a que se atopa construído un edificio de planta baixa e única de 512 m².

De conformidade co disposto no artigo 110.1 f) do Real Decreto 1372/1986, de 13 de xuño, polo que se aproba o Regulamento de Bens das Entidades Locais, o devandito expediente sométese a información pública polo prazo de quince días.

Catoira, a 3 de novembro de 2014.—O Alcalde-Presidente, Alberto García García. **2014009359**

* * *

COTOBADA**A N U N C I O**

Aprobada inicialmente a Ordenanza municipal de protección do medio ambiente na sesión plenaria de 30.06.2014, unha vez exposta ao público (BOP n° 135 de 15.07.2014) e resolta a alegación presentada á súa redacción faise público o seu texto íntegro para o seu xeral coñecemento e en cumprimento do disposto no artigo 70.2 da Lei 7/1985 de 2 de abril reguladora das bases do réxime local.

“ORDENANZA MUNICIPAL DE PROTECCIÓN DO MEDIO AMBIENTE**TÍTULO I.—DISPOSICIÓN XERAIS**

Artigo 1.—A presente Ordenanza Municipal ten por obxecto a regulación no término Municipal de Cotobade das seguintes actuacións e actividades:

- a) A limpeza das vías e espazos públicos.
- b) A recollida de residuos sólidos e o seu traslado e tratamento.
- c) A limpeza e mantemento de espazos privados.
- d) O cerramento de solares, predios e espazos privados que dean ou linden coa vía pública e beirarrúas
- e) A protección do dominio público e do medio ambiente.

Artigo 2.—A efectos de esta Ordenanza e en aplicación da Lei 10/2008, de Residuos de Galicia, e da Lei 22/2011 de residuos y suelos contaminados, entenderase por:

— Residuos domésticos os xerados nos domicilios particulares como consecuencia das actividades domésticas e os similares aos anteriores xerados en servizos e industrias.

Inclúense tamén nesta categoría os residuos que se xeneran nos hogares de aparatos eléctricos e electrónicos, roupa, pilas, acumuladores, mobles e enseres así como os residuos e escombros procedentes de obras menores de construción e reparación domiciliaria.

Terán a consideración de residuos domésticos os residuos procedentes da limpeza de vías públicas, zonas verdes, áreas recreativas e praias, os animais domésticos mortos e os vehículos abandonados.

Residuos comerciais: residuos xenerados pola actividade propia do comercio, de los servizos de restauración e bares, das oficinas e dos mercados, así coma do resto do sector servizos.

Artigo 3.—*En* todo o que non se atope regulado na presente Ordenanza será de aplicación o disposto na Lei 10/2008 de 3 de novembro de residuos de Galicia e na Lei 22/2011 de 28 de xullo de residuos e solos contaminados e demais disposicións aplicables en cada momento.

Artigo 4.—1. Todos os habitantes de Cotobade están obrigados, no que concerne á limpeza do Concello, a observar unha conducta encamiñada a evitar e prever a suciedade.

2.O Concello obrígase a atender ás reclamacións, denuncias e suxerencias dos cidadáns, exercendo as accións que en cada caso correspondan.

Artigo 5.—1. Todos os cidadáns están obrigados ao cumprimento da presente ordenanza e das disposicións complementarias que na materia de limpeza en xeral, mantemento de ornato público ou da estética do Concello dicte en calquera momento a Alcaldía no exercizo das súas facultades.

2. A Autoridade municipal poderá esixir, en todo momento, o cumprimento inmediato da presente Ordenanza, obrigando ao causante dun deterioro á reparación da afección causada, sen prexuízo da sanción que corresponda.

3. A estes efectos os propietarios de toda clase de terrenos, construcións, edificios e instalacións deberán:

- a) Destinalos aos usos permitidos polo planeamento urbanístico.
- b) Manterlos en condicións de funcionalidade, seguridade, salubridade, ornato público e habitabilidade segundo o seu destino, e con arrexo ás normas de protección do medio ambiente, do patrimonio histórico e da rehabilitación.

4. A Alcaldía a proposta dos servizos municipais correspondentes, sancionará de acordo co establecido no título XI desta ordenanza aos que contraviñeren o disposto na mesma.

*TÍTULO II.—DA LIMPEZA DA VÍA PÚBLICA**Capítulo I.—Da limpeza da vía pública como consecuencia de uso xeral dos cidadáns*

Artigo 6.—Considérase vía pública os camiños, prazas, rúas, paseos, parques, augas de fontes e estanques, pontes e demais obras públicas de aproveitamento ou utilización xerais cuia conservación e policía sexan da competencia da entidade local.

Artigo 7.—1. Queda prohibido tirar e abandonar na vía pública toda clase de produtos de estado sólido, líquido ou gaseoso. Os residuos sólidos de pequeno formato como papeis, envoltorios e similares deberán depositarse nas papeleiras instaladas ó efecto ou en colectores do Servicio Público de limpeza.

2. Prohíbese, igualmente, botar no chan calquera clase de desperdicio dende os vehículos, xa estean parados ou en marcha.

Artigo 8.—1. Os animais domésticos non deberán ensuciar as rúas e demais lugares públicos, estando obrigados os seus donos á recollida de tódolos excrementos mediante bolsas ou calquera outro sistema axeitado ao efecto, así como levalos suxeitos con correa.

En todo caso estarase ao que dispoñan as normas e demais disposicións relativas á tenza de animais.

Das infraccións serán responsables as persoas quen participaran na súa comisión, o propietario ou o posuidor do animal.

2. Prohíbese o abandono de cadáveres de calquera animal sobre toda clase de terreo, vía ou espazos públicos, incluídos colectores de lixo, así como a súa inhumación en terreos de propiedade privada ou pública

Artigo 9.—Prohíbese arroxar ou depositar desperdicios, embalaxes, e en xeral, calquera tipo de residuos, nas vías públicas ou privadas, e nos seus accesos e nos solares ou fincas, debendo utilizarse sempre os elementos de limpeza viaria (colectores, papeleiras) especificamente destinados a tal fin, e, en todo caso, serán depositados en bolsas ou sistemas análogos.

Capítulo II.—Da suciedade da vía pública a consecuencia de obras e actividades diversas

Artigo 10.—1. Todas as actividades que poidan ocasionar suciedade na vía pública, calquera que sexa o lugar en que se desenvolva e sen prexuízo das licenzas ou autorizacións que en cada caso sexan procedentes, esixe dos seus titulares a obriga de adoptar as medidas necesarias para evitar a suciedade na vía pública, así como a de limpar a parte dela e dos seus elementos estruturais que se viran afectados, e a de retirar os materiais resultantes.

2. A Autoridade Municipal poderá esixir en todo momento as accións de limpeza correspondentes, tendo o disposto no parágrafo anterior.

Artigo 11.—1. Para prever a suciedade, as persoas que realicen obras na vía pública deberán proceder á protección desta mediante a colocación de elementos axeitados arredor dos derrubes, terras e outros materiais sobranceiros de obra, de modo que impedan a diseminación e verquido destes materiais fora da estricte zona afectada polos traballos.

2. En especial, as superficies inmediatas de zanzas, canalizacións e conexións realizadas na vía pública deberán manterse limpas e exentas de toda clase de materiais residuais. As terras extraídas deberán protexerse en todo caso segundo determina o número anterior.

3. Cando se trate de obras na vía pública ou confrontantes, deberán instalarse valados e elementos de protección así como tubos para a carga e descarga de materiais e produtos de derrubo, que deberán reunir as condicións necesarias para impedir que se ensucie a vía pública e que se causen danos ás persoas e ás cousas.

Artigo 12.—Cando se trate de vivendas en construción, a obriga de limpar a vía pública en todo o ámbito material establecido no artigo 10 corresponderá ó contratista. Unha vez rematada a obra e

recollidos a totalidade dos escombros e/ou materiais o contratista deberá deixar en perfecto estado tanto a vía pública coma a beirarrúa no seu caso. Os materiais empregados na reposición dos pavimentos afectados serán exactamente os mesmos que os existentes con anterioridade a execución das obras, excepto que na licencia municipal ou por orden municipal posterior se indiquen outros.

A efectos de garantir o cumprimento desta obriga, por parte dos servizos técnicos municipais esixírase o oportuno aval, que deberá ser depositado con anterioridade ao inicio das obras.

Artigo 13.— A limpeza de escaparates, tendas, postos de venda, establecementos comerciais efectuada por particulares, farase sempre con coidado de non ensuciar a vía pública. O titular da actividade será o responsable da observancia deste requisito.

Artigo 14.— Están obrigados a limpar os espazos ocupados habitualmente polos vehículos de tracción mecánica os responsables dos establecementos e industrias que os utilicen para o seu servizo, en especial en canto se refire aos verquidos de aceites, graxas ou produtos similares, así como os restos de terra, esterco, etc, que queden no espazo público despois das labores agrarias nas fincas, especialmente ao saír os vehículos ás beirarrúas ou estradas, dos que serán responsables os donos das propiedades.

Artigo 15.— 1. Prohíbese o abandono de mobles e enseres particulares na vía pública

2. Será potestade dos servizos municipais a retirada, sen previo aviso, de todo obxecto ou material abandonado cando dificulte o paso, a libre circulación ou poida afectar á limpeza ou decoro da vía pública.

3. Os materiais sinalados nos apartados 1 e 2 precedentes serán trasladados, para o seu depósito ou eliminación, ós lugares ou equipamentos previstos a tal fin pola Autoridade Municipal.

4. O depósito destes materiais rexeráse en todo momento pola lexislación vixente, e no non previsto, polo que dispoña a Alcaldía.

5.— Os gastos producidos polo seu traslado, depósito e custodia destes materiais serán a cargo dos seus propietarios ou produtores.

TÍTULO III CONDICIÓNS DE LIMPEZA DO USO COMÚN ESPECIAL E PRIVATIVO DO DOMINIO PÚBLICO MUNICIPAL

Capítulo I.— Condicións xerais

Artigo 16.— 1. A suciedade da vía pública producida a consecuencia do uso común e privativo será responsabilidade dos seus titulares.

2. Os titulares de establecementos, sexan fixos ou non, tales como bares, cafés, quioscos, postos de venda e similares, terán a obriga de manter nas debidas condicións de limpeza tanto as propias instalacións como o espazo urbano sometido a súa influencia.

Artigo 17.— 1. Os organizadores dun acto público na rúa serán responsables da suciedade derivada da celebración de tal acto na mesma.

2. A efectos da limpeza do Concello, os organizadores terán a obriga de informar ao Concello do lugar, percorrido e horario do acto público a celebrar. O Concello poderalles esixir a constitución dunha fianza en metálico ou aval bancario polo importe dos servizos subsidiarios de limpeza, que previsiblemente lles puidera corresponder efectuar a consecuencia de suciedade que se derivase da celebración do acto público.

Artigo 18.— A colocación e pegado de carteis e pancartas e calquera outra actividade publicitaria está suxeita a autorización municipal, salvo as asociacións, entidades e organizacións do Concello de Cotobade, que desenvolvan a súa actividade sen ánimo de lucro.

Artigo 19.— 1. A concesión da autorización para a colocación ou distribución de rótulos e demais elementos publicitarios, levará implícita a obriga para o responsable de limpar os espazos da vía pública que se mancharan, e de retirar dentro do prazo autorizado tódolos elementos publicitarios que se utilizaran e os seus correspondentes accesorios.

2. Para a colocación ou distribución na vía pública dos elementos publicitarios, o Concello poderá esixir a constitución de fianza ou aval bancario pola contía correspondente aos custos previsibles que puideran causar suciedade.

Capítulo II.—Da colocación de carteis e pancartas na vía pública

Artigo 20.—1. Prohíbese a colocación e pegada de carteis e adhesivos, con excepción dos casos autorizados.

2. Prohíbese a colocación de carteis e pancartas en bens afectos a un servizo público municipal, tales como marquesiñas, contenedores, farolas, papeleiras, etc, ou en calquera outro mobiliario urbano existente, salvo excepción xustificada que se poidera habilitar mediante autorización municipal

3. Os promotores ou beneficiarios desta publicidade responderán desta prohibición. O incumprimento da mesma dará lugar á imposición da sanción correspondente, así como a obriga do publicitario de proceder á retirada destes carteis e pancartas e á limpeza da parte manchada.

Artigo 21.—A colocación de pancartas na vía pública soamente se autorizará nos seguintes supostos:

- a) En período de eleccións políticas e sindicais nos lugares previamente determinados polo Concello e habilitados pola Xunta Electoral.
- b) En período de festas populares e tradicionais dos distintos núcleos.
- c) En situacións expresamente autorizadas pola Alcaldía.

As pancartas deberán ser retiradas tan pronto como rematara o prazo para o que foron autorizadas. De non facelo así retiraranse polos servizos municipais, imputándose aos responsables o custo correspondente ao servizo prestado, sen prexuízo da imposición da sanción aos responsables pola Autoridade municipal.

Capítulo III.—Das pintadas

Artigo 22.—Prohíbese toda clase de pintadas na vía pública e en calquera edificación en xeral, tanto sobre os seus elementos estruturais, calzadas, beirarrúas e mobiliario urbano, como sobre os muros e paredes exteriores do Concello, Colexio Público e demais edificios de carácter municipal, salvo excepción xustificada que se poidera habilitar mediante autorización municipal

Artigo 23.—O mobiliario urbano existente nos parques, xardíns, zonas verdes e vías públicas, no que se encontran comprendidos os bancos, xogos infantís, papeleiras, fontes, sinalización e elementos decorativos tales como farolas e estatuas, deberán manterse no máis axeitado e estético estado de limpeza e conservación. No caso de que se produzan destrozos, danos ou agresións contra o citado mobiliario urbano, o Concello practicará as averiguacións necesarias co obxecto de recoñecer ós infractores e iniciar o correspondente expediente sancionador.

TÍTULO IV.—DA LIMPEZA PRIVADA

Capítulo I.—Da Limpeza e mantemento dos soares e construcións.

Artigo 24.

1. Os propietarios de toda clase de terreos, construcións, edificios e instalacións deberán:

- a) Destinalos aos usos permitidos polo planeamento urbanístico.
- b) Manterlos en condicións de funcionalidade, seguridade, salubridade, ornato público e habitabilidade segundo o seu destino, e con arrexo ás normas de protección do medio ambiente, do patrimonio histórico e da rehabilitación.

Esta obriga alcanza a totalidade das edificacións, solares, predios, fincas ou espazos particulares e/ou privados, incluídas as distintas partes das mesmas, especialmente as visibles ou colindantes desde a vía pública.

Especificamente os propietarios de terreos lindantes con vías públicas municipais deberán manter libres de maleza ou árbore o espazo de dous metros medidos horizontalmente dende a marxe da vía de

acordo coa relación de especies establecida na Disposición Adicional Terceira da Lei 3/2007 de 9 de abril, de prevención e defensa contra os incendios forestais de Galicia.

O Concello, de oficio, ordenará ós propietarios a execución das obras necesarias que garantan as obrigas ó principio indicadas, co obxecto de deixalas en perfectas condicións de limpeza, ornato e hixiene. En todo caso o incumprimento desta obriga determinará a incoación do correspondente expediente sancionador, con imposición da multa que proceda segundo a lexislación vixente e con advertencia da súa execución con carácter subsidiario polo propio Concello con cargo ó obrigado.

No caso de vivendas ou edificacións que presenten un estado de ruínas e que supoñan risco de perigo para os viandantes ou veciños en xeral, así coma problemas de salubridade, o Concello iniciará de oficio o correspondente expediente de declaración de ruína.

Igualmente, é obriga dos propietarios dos edificios lindantes coa vía pública manter as baixantes e canalóns en perfectas condicións e debidamente conectadas á rede municipal, impedindo en todo caso a caída da auga ao espazo públicos.

2. A prescripción anterior inclúe a esixencia da desratización e desinfección dos solares.

3. É potestade do Concello a inspección e realización subsidiaria dos traballos de limpeza ós que se refiren os números 1 e 2 anteriores. No caso de execución subsidiaria destes traballos polos servizos municipais, esta farase con cargo ó obrigado, sen prexuízo das sancións correspondentes.

4. Os propietarios de solares, predios, fincas ou espazos privados que linden coa vía pública ou beirarrúa, no seu caso deberán valalos con cercados permanentes situados na aliñación oficial (previa autorización municipal) e mantelos libres de residuos e en condicións de hixiene, seguridade e ornato.

As características de valados e peches das fincas deberán axustarse ao establecido no planeamento municipal e, en caso de peches vexetais, o propietario deberá asegurarse de que o voo dos mesmo non sobrepase a correspondente aliñación, podendo en caso contrario o Concello proceder á súa poda, a costa do propietario, ademais de imposición das sancións que procedan.

5. No caso de que o Concello teña realizado ou previsto realizar obras de urbanización na vía pública coa que linda a finca ou solar, o valado deberá realizarse polo propietario con criterios de uniformidade e seguindo as directrices marcadas polo Concello.

6. Os propietarios dos solares, predios, fincas ou espazos particulares que lindando coas vías públicas ou con beirarrúas no seu caso e que estean nunha situación de plano superior ou inferior con respecto da vía pública ou da beirarrúa, deberán adoptar as medidas necesarias para garantir que o acceso as propiedades, tanto se e en rampa como en escaleiras, éstas deberán construírse dentro da propiedade, deixando totalmente libres de afectación tanto a vía pública como a beirarrúa no seu caso.

7. En tódalas entradas destas propiedades, os seus propietarios terán especial coidado en evitar que caian para a vía pública ou beirarrúa, restos de operacións de labranza, colleitas, refugallos, abonos, etc, adoptando as medidas necesarias para que iso non se produza.

8. A entrada de maquinaria agrícola ou vehículos motorizados en xeral a través das vías públicas ou beirarrúas só estará permitida no caso de que o peso das mesmas non produza desperfectos no pavimento e servizos públicos. En caso contrario deberase proceder de inmediato á perfecta reposición dos mesmos con cargo o seguro da maquinaria causante ou en calquera caso con cargo o propietario do solar ou predio obxeto destas actuacións. Esta actuación estará suxeita a previa autorización municipal.

9. O incumprimento de calquera dos puntos anteriormente citados dará lugar a incoación do correspondente expediente sancionador, con imposición da multa que proceda e con advertencia da súa execución con carácter subsidiario polo propio Concello, e con cargo os infractores ou obrigados. Especificamente polo que se refire á obriga de cerramento de fincas e solares, o Concello notificará aos propietarios o prazo para proceder ao seu cumprimento, advertíndolle que en caso contrario procederá a efectuar a obra á súa costa, comunicándolle á súa vez o orzamento estimado da mesma.

10. Este deber non exime da obrigatoriedade da solicitude da autorización municipal ou formulación de comunicación previa correspondente.

*TÍTULO V TRATAMENTO DOS RESIDUOS SÓLIDOS URBÁNS**Capítulo I. Do depósito e recollida de residuos*

Artigo 25.— A recollida de residuos sólidos urbáns, será realizada única e exclusivamente polo persoal de limpeza do Concello de Cotobade ou ben pola empresa privada concesionaria do servizo.

Ningunha persoa, física ou xurídica, poderase adicar a estas actividades sen a previa autorización municipal.

O itinerario da recollida, así como a frecuencia do horario, será o establecido pola Administración Local, dando a publicidade necesaria para o coñecemento dos veciños.

O lavado e limpeza dos contenedores e papeleiras, será realizado periodicamente polo Concello ou a empresa concesionaria do servizo.

Artigo 26.— De acordo co previsto na Lei 10/2008 do 3 de novembro e na Lei 22/2011 de 28 de xullo de residuos y suelos contaminados, quen produza residuos comerciais estará obrigado/as a entregar os seus residuos a un xestor ou xestora autorizado para o seu tratamento, ou ben a acollerse ao sistema de recollida e xestión que o concello estableza.

O produtor ou outro poseedor inicial de recursos comerciais non perigosos deberá acreditar documentalmente a correcta xestión dos recursos ante a entidade local.

No caso de incumprimento das obrigas de xestión de recursos comerciais non perigosos, a entidade local asumirá subsidiariamente a súa xestión e poderá repercutir ao obrigadoa realizala o custo real da mesma. Todo elo sin prexuízo das responsabilidades en que o obrigado poidera incurrir.

En todo caso aqueles comerciantes, que polo seu volume de residuos, necesiten un maior número de colectores, deberán adquirilos pola súa conta, poñéndoo en coñecemento das autoridades municipais.

Artigo 27.— O depósito dos residuos nos colectores e papeleiras realizarase obrigatoriamente en bolsas de plástico, debendo estar pechadas e ocupar o menor espazo posible.

Queda prohibido depositar lixo en rúas e beirarrúas fora dos colectores ou así como dos horarios establecidos polo Concello, agás no previsto no artigo 32.

*TÍTULO VI. OUTROS RESIDUOS SÓLIDOS**Capítulo I.— Dos entullos*

Artigo 28.— 1. Os entullos procedentes das obras ou derribos, así como as terras procedentes do vaciado ou movementos de terras, e os restos de labores agrícolas, restos de cortes de céspede, etc, deberán eliminarse con medios propios polos interesados, que os depositarán nos lugares específicos destinados a tal fin, segundo a normativa legal existente no momento.

Os entullos aos que se refira este artigo só poderán depositarse na vía pública, utilizando colectores axeitados. A súa instalación deberá cumprir os requisitos e condicións establecidas polo Concello.

2. Cando colectores estean cheos de entullos, procederase, nun prazo non superior a 48 horas, a súa retirada e substitución por outros baleiros.

3. Os entullos serán levados aos vertedoiros autorizados polo Concello ou polas administracións competentes na materia.

Artigo 29.— Prohíbese depositar entullos en terreos ou zonas que non estén autorizados polo Concello mediante a oportuna licenza ou autorización de depósito, sendo responsables do incumprimento as persoas que o realicen, e, en caso de ser transportados por vehículos, os propietarios destes.

Igualmente, queda prohibido almacenar na vía pública, fora dos límites da valla protectora das obras, materias de construción tales como ladrillos, cemento, area, etc...

Asi mesmo, queda terminantemente prohibido depositar escombros, arroxar lixo, ou efectuar calquera clase de vertidos aos cauces dos ríos e nas súas marxes.

Capítulo II. Dos mobles e enseres

Artigo 30.—Prohíbese depositar na vía pública e espazos públicos, mobles, útiles e outros obxectos inservibles para que sexan retirados polos camións recolectores da recollida de lixo domiciliario, debendo as persoas que desexen desprenderse dos mesmos solicitar a prestación do servizo municipal correspondente.

As datas, horas e lugar de depósito establecidos para a recollida, serán fixados polo Concello a través de bandos municipais.

Capítulo III.—Dos animais mortos

Artigo 31.—1. Prohíbese o abandono de cadáveres de animais de toda especie en calquera clase de terreos, así como tiralos aos ríos ou sumidoiros, ou enterralos ou inhualos en terreos de propiedade pública.

2. A sanción por incumprimento desta norma será independente das responsabilidades que estén previstas na normativa de orde sanitario.

*TÍTULO VII. DA RECOLLIDA SELECTIVA**Capítulo I.—Do depósito e recollida*

Artigo 32.—Tódolos obxectos de vidro depositaránse en colectores habilitados polo Concello para tal fin.

Os papeis, cartóns ou calquera outro material que determine o Concello, depositaranse en contenedores de recollida selectiva especialmente habilitados a tal fin.

As pilas serán depositadas nos colectores determinados polo Concello para tal finalidade.

*TÍTULO VIII. DO TRATAMENTO DOS RESIDUOS**Capítulo I.—Do depósito e tratamento.*

Artigo 33.—É de exclusiva competencia municipal, os vertedoiros e prantas de eliminación de lixos e residuos sólidos urbáns.

A xestión do servizo de limpeza, faráse ou ben directamente polos servizos de limpeza do Concello ou a través dunha empresa concesionaria do servizo.

Artigo 34.—As instalacións industriais que realicen actividades tendentes á eliminación dos residuos, estarán ao que dispoñan as leis vixentes na materia.

Artigo 35.—Queda prohibido en todo o territorio municipal de Cotobade, o depósito de lixos e residuos en zonas distintas ás instalacións municipais adicadas a tal fin.

Todo vertedoiro clandestino será clausurado inmediatamente sin prexuízo das sancións que corresponda impoñer.

*TÍTULO IX: DA REGULACIÓN DO USO DE VEHÍCULOS
NO CONCELLO DE COTOBADE*

Artigo 36.—A circulación de vehículos pesados rexirase pola Ordenanza fiscal reguladora da taxa para a protección dos camiños rurais e vías públicas municipais do Concello de Cotobade polo seu aproveitamento especial.

Calquera infracción deste artigo será sancionada polo Concello en base ás súas competencias en materia de medio ambiente e protección do dominio público.

Artigo 37.—Igualmente, está prohibida a ocupación das beirarrúas e as zonas empedradas debidamente sinalizadas con vehículos a motor, non só o estacionamento, senón tamén a carga e descarga e a mera ocupación co motor do vehículo encendido.

Os suxeitos que incumplan o establecido nos artigos precedentes serán responsables dos danos ocasionados no dominio público como consecuencia dos seus actos, independentemente da sanción prevista nos artigos correspondentes. Para elo, valorarase polos servizos administrativos do Concello o custo da reparación do dominio público afectado, a cal será a cargo do infractor.

Está prohibido o estacionamento de vehículos agrícolas e camións fóra das zonas debidamente sinalizadas e que ocupen un espazo superior ao asinado para o aparcamento dun único vehículo.

TITULO X.—DO RÉXIME DISCIPLINARIO

Capítulo I.—Aspectos Xerais

Artigo 38.—Calquera persoa, física ou xurídica, poderá denunciar perante o Concello as infraccións da presente ordenanza e as disposicións específicas sobre a materia, tendo a obriga de asinar a denuncia.

Artigo 39.—Constituirán infraccións administrativas os actos ou omisións que contraveñan o establecido nas normas contidas nesta ordenanza.

As infraccións calificaránse como leves, graves e moi graves.

Artigo 40.—Os efectos do establecido no artigo anterior, terá a consideración de acto independente sancionable cada actuación, separada no tempo e no espazo, que sexa contraria ao disposto nesta ordenanza, sendo imputables as infraccións ás persoas físicas ou xurídicas que resulten responsables dos actos ou omisións que contradigan a mesma.

As sancións impostas adecuaránse ao establecido na Lei 30/1992, do réxime xurídico das Administracións Públicas e procedemento administrativo común e demais normas aplicables.

Corresponderá ao Alcalde sancionar as infraccións contidas na presente ordenanza, segundo dispón o artigo 21.1.n) da Lei 7/1985, de 2 de abril, de Bases de Réxime Local, salvo que proceda á delegación de tal competencia.

Capítulo II. Das infraccións leves

Artigo 41.—Consideraranse infraccións leves:

- a) A realización de actuacións prohibidas nos artigos 7, 8.1,13,14,15,20,21,23, 24, 27 e 30.
- b) Calquera outra actuación ou omisión contraria á ordenanza, que non teña a calificación de grave ou moi grave.
- c) O maltrato de recipientes de recollida, así como a utilización de outros distintos aos autorizados.
- d) Rasgar, ensuciar ou arrancar carteis ou anuncios colocados nos lugares e emplacements autorizados.

Capítulo III. Das infraccións graves

Artigo 42.—Consideraranse infraccións graves:

- a) A reincidencia de 3 faltas leves no periodo dun ano.
- b) Non manter en estado de limpeza os solares de propiedade privada segundo establece o Título IV.
- c) O abandono de cadáveres de animais sobre toda clase de terreos públicos ou privados, ou a súa inhumación (artigo 8.2).
- d) Arrojar calquera tipo de lixo en lugares públicos ou privados, e, en todo caso, a realización de actividades prohibidas no artigo 9.
- e) Realización de pintadas ou actuacións semellantes en edificacións (artigo 22).
- f) Non realizar os cerramentos dos solares, fincas e terreos particulares que linden con vías públicas ou beirarrúas no seu caso, ou facelo sen a correspondente autorización municipal ou comunicación previa, fora da aliñación oficial ou sen respetar a normativa urbanística ou a ordenanza correspondente (artigo 24).

- g) A realización de actuacións ou omisións contrarias ó previsto no artigo 28 e 29.
- h) As actuacións previstas no artigo 31.
- i) As infraccións do previsto no Título IX

Capítulo IV. Das infraccións moi graves

Artigo 43.—Considéranse infraccións moi graves:

- a) A reincidencia de 2 infraccións graves no periodo dun ano.
- b) A realización de pintadas ou actuacións semellantes en monumentos ou edificacións análogas en elementos protexidos pola normativa de patrimonio histórico - artístico.
- c) A recollida de residuos sólidos urbáns por persoas, físicas ou xurídicas, non autorizadas (artigo 26).
- d) A realización de actuacións en infracción da presente ordenanza que dea lugar á aparición de vertedeiros clandestinos (artigo 35).

Capítulo V. Das sancións

Artigo 44.—Sen prexuízo de existir, cando proceda, as correspondentes responsabilidades de carácter penal ou civil correspondentes, as infraccións ós preceptos da presente ordenanza, serán sancionadas da seguinte forma:

- 1) Infraccións Leves: multa de ata 90 euros.
- 2) Infraccións graves: multa de entre 91 euros ata 300 euros.
- 3) Infraccións moi graves: multa de entre 301 euros ata 3.000 euros.

Artigo 45.—Para determinar a cuantía da sanción, atenderáse ás circunstancias concorrentes nos feitos que a motivaron tales como a natureza da infracción, a grave intencionalidade e a reincidencia, así como aqueles factores que poidan considerarse como atenuantes ou agravantes.

Capítulo VI. Do procedemento sancionador

Artigo 46.—O procedemento sancionador tramitarase de acordo co establecido no Real Decreto 1398/1993 do 4 de agosto de procedemento para o exercizo da potestade sancionadora.

DISPOSICIÓN DERRADEIRA

A presente ordenanza entrará en vigor unha vez publicado o seu texto íntegro no BOP e transcorrido o prazo previsto no artigo 65.2 da Lei 7/1998 do 2 de abril, reguladora das bases do réxime local.”

Cotobade, 28 de outubro de 2014.—O alcalde, Jorge Cubela López.

2014009162

* * *

GONDOMAR

A N U N C I O

Aprobación definitiva do expediente de Transferencia de Crédito entre partidas de distinto grupo de función nº 26/14.

En cumprimento do artigo 169.1, por remisión do 177.2, do Real Decreto Lexislativo 2/2004, de 5 de marzo, polo que se aproba o Texto Refundido da Lei Reguladora das Facendas Locais, ao non presentarse alegacións durante o prazo de exposición ao público, queda automaticamente elevado a definitivo o Acordo plenario de aprobación inicial do Concello de Gondomar, adoptado en data de 02 de outubro de 2014, sobre Transferencia de Crédito entre partidas de distinto grupo de función por importe de 40.920,00 €, que se fai público resumido por capítulos: